



20. oktober 2008

Inatsisartut Suleriaasianni § 36, imm. 1 naapertorlugu Naalackersuisunut apeqqt  
imaattoq matumunna saqqummiuppara:

## **Naalackersuisunut apeqqt:**

- 1. Ingerlatsivinni Namminersornerullutik Oqartussanit pigineqartut arlaanni aningaasanik attartornermut aallattukkani aalajangersakkanik 'crossdefault'- imik taaguuteqartunik piginnittoqarpa? Aalajangersakkat taakku najoqqutaralugit suliffeqarfiutit arlaat aningaasanik attartorsimatilluni attartukkaminik taarsiisinnaajunnaassappat ima kinguneqartussaavoq suliffeqarfinni allani piginnittumit pigineqartuni taarsigassat erngertumik akiligassanngortussaassallutik.**
- 2. Ingerlatsivinni Namminersornerullutik Oqartussanit pigineqartuni aningaasanik attartornermut piumasaqaatinik piginnittoqarpa, taakkunanilu naalackersuinikkuunerusoq aalajangigassanut tunngasut, soorlu piginnittussaannermut tunngasut, Kalaallit Nunaata naalagaaffeqatigiinnerup iluani inissisimaneranut tunngasut, imaluunniit piginnittuunermit innersuussisunik immikkorluinnartumik assingusinnaasunik aalajangersagaqarpa?**
- 3. Naalackersuisut siulittaasuata 3. oktober 2008 akissutaani eqqartorneqarpoq ingerlatseqatigiiffiinni "arms-længde-princip"-imik taaneqartoq atorlugu ingerlatsisoqartoq, imatullu paasisariaqartoq naalackersuinikkut allaffissornikkulluunnit ingerlatseqatigiiffit ingerlatsinerannut akuliuttoqarneq ajortoq. Naalackersuisut isumaqarpat tamanna najoqqutarisaq ataqqillugu atuarfiit qarasaasiatitigut attaveqaataata ATTAT-ip matuneqarneranut atatillugu Tele kimigiiserfigineqarsimangitsoq, Royal Greenland-ip aalisakkanik suliareqqitassanik pisiortornerani akit pillugit oqaaseqarnernut akuleruttoqarsimangitsoq, kiisalu KNI-p uuliamik pilersuinerata sumut inissinneqarnissaanut pisut eqqarsaatigalugit najoqqutarisaq malinneqarsimasoq? Taamatut assersuutissat ataasiakkaannguit saqqummiutilaaginnarlugit.**

4. **Namminersornerullutik Oqartussat ingerlatseqatigiiffit pigineqartut ataatsimut isigalugit akiitsuinut qanoq annertutigisumik qulakkeerinnikuuppat?**
5. **Ingerlatsiviit Namminersornerullutik Oqartussanit pigineqartut qanoq annertutigisumik akiitsoqarpat? Akissutigineqartussami ingerlatsiviit ataasiakkaarlugit qanoq akiitsoqarnersut erseqqissarneqaqquneqarpoq.**
6. **Nukissiorfiit ingerlatsivinngortinneqassappat Namminersornerullutik Oqartussallu ALCOA-mi piginneqataanerat Nukissiorfiit aqqutigalugit ingerlanneqassappat, taava ALCOA-mut piginneqataanermut Nukissiorfiit aningaasanik qassinik atorniartariaqassappat?**
7. **2008-mut aningaasanut inatsimmi 2009-mullu aningaasanut inatsisissatut siunnersuummi oqaatigineqarpoq piginneqataanermut iluanaarutit malunnartumik annertunissaat ilimagineqartoq. Nunarsuaq tamakkerlugu aningaasatigut ajornartorsiornerujussuaq eqqarsaatigalugu maannakkut piviusorpalaartumik oqaatigissagaanni Naalakkersuisunit qanoq siunissami ilimagineqarpa? 2008-mi piginnittuunermut isertitat ilimagineqartut malillugit annertutigisimanersut ilanngullugu paaserusunnarpoq.**

(Inatsisartuni ilaasortaq Esmar Bergstrøm, Inuit Ataqatigiit)

#### **Tungavilersuut:**

Naalakkersuisut ukiumut nalunaarutit naatsorsuutillu pigissagaat, aammalu ingerlatsiviit pigineqartut qanoq ingerlaneriniq ilisimasaaqarluarnissaat ilimagigakku, apeqqutigisakka erseqqissumik ersarissumillu akineqarnissaat ilimagissava. Taamaammat siornatigut Naalakkersuisut nittartakkanut innersuussisarnerattut pisoqassappat tamanna akuerineqarsinnaangitsutut isigissavara.

Siornatigut apeqquteqartarnerni Naalakkersuisut akissutigisartagaannut assersuut ilanngukkusuppara. Siusinnerusukkut ingerlatsiviit pillugit apeqquteqarnermut nittartakkamik innersuussinermik issuaassaanga”.

*“Pisortatigoortumik paasissutissat tamarmik Erhverv- og Selskabsstyrelse-p nittartagaani pissarsiarineqarsinnaapput. Tungaviusumik paasissutissat avatangiisinillu naatsorsuutit akeqanngitsumik pissarsiarisinnaavatit, kiisalu ingerlatsiviit naatsorsuutaat, tamakkiisumik nalunaarutit naatsorsuutillu pisiarisinnaavatit.”*

Matumani ingerlatsiviit Namminersornerullutik Oqartussanit tamakkiisumik ilaannakuusumilluunnit pigineqartut kisiisa pigakkit Naalakkersuisut paasissutissat ujartukkakka tunniussinnaassagaat ilimagalugu nittartagaq innersuussutigineqartoq pisartagarilerniarlugu pilersaanngilanga.

Taamaammat Naalakkersuisut akissuteqaataannut ilassummik apeqquteqarusuppunga:

*“Sanaartugassanut anginerusunut aningaasaliinernut atatillugu Namminersornerullutik Oqartussat “ilisimanninnermut nalunaarummik” allagaqartarput, tassani nalunaarutigineqarluni ingerlatseqatigiiffik sanaartugassatigut annertuumik aningaasaliisussanngortoq ilisimallugu. Taamaalilluni qularnaveeqqusiisoqanngilaq, taamaallaalli nalunaarutigineqarluni ingerlatseqatigiiffinni iliuuserineqartut naalakkersuisunit ilisimaneqartut. Taamaalilluni immap naqqatigut kabeliliinermi Telep aningaasaliinernut atatillugu aamma umiarsuarnut Royal Arctic Linep aningaasaliinernut atatillugu ilisimanninnermut nalunaarutinik allagaqartoqarpoq. Taamatut **qularnaveeqqusiisoqarpoq** suliffeqarfiit pitsaanerpaamik erniatigut atugassinneqarnissaat qulakkeerniarlugu. Namminersornerullutik Oqartussat isumaqarput **sanaartornernut aningaasaliinernut qularnaveeqquserneqartunut** ernianut akilersuutinullu suliffeqarfiit nammineq akiliisinnaasut, soorlu aamma Namminersornerullutik Oqartussat isumaqartut **pigisat nalingi aningaasaatinit qularnaveeqquserneqartunit annertunerusut.***

Tamatumani Naalakkersuisut qularnaveeqqusiisimanerat eqqartorneqarpoq, taamaakkaluartorli Naalakkersuisut akissuteqarnerminni kisitsisinik ilanngussinngillat. Taamaammat taamani apeqqutigisara, qulaani apeqqut 6-mik normulik, saqqummiuteqqissavara.

Kalaallit Nunaanni taama nalorninartigisumik iliuuseqassanersugut nalilersorniarnernani akissutissat uannit nunatsinnilu innuttaasunit pisariaqartinneqarmata suli kissaatigineqarput, ingammik ulluni makkunani Nukissiorfiit ingerlatsivittut ingerlalernissaa kingumut pilersaarutaaleqqissimasoq tusaamanersiqqimmat.

Naalakkersuisut sunik ujartuinera ilisimalluinnaraat qularinngilara. Arlaatigulli nalorninartoqassappat oqaloqatigiinnikkut massuiaanissannut piareersimavunga.

Ullut qulit qaangiutsinnagit ajornanngippallu siunnerusumik apeqqutit tamarmik nammaginatsumik akisimaneqarnissaat ilimagissavara.